

Pantun Klasik

# Nasihat

MOHAMED NAIM DAUPI



[www.saujana.sg](http://www.saujana.sg)

## PANTUN NASIHAT (1)

*T*umbuh melata si pokok tebu,  
Pergi pasar membeli daging;  
Banyak harta tak ada ilmu,  
Bagai rumah tidak berdinding.



## PANTUN NASIHAT (2)

*A*ngin teluk menyisir pantai,  
Hanyut rumpai di bawah titi;  
Biarlah buruk kain dipakai,  
Asal pandai mengambil hati.



## PANTUN NASIHAT (3)

*K*emumu di tengah pekan,  
Dihembus angin jatuh ke bawah;  
Jika ilmu tidak diamankan,  
Bagai pohon tidak berbuah.



## PANTUN NASIHAT (4)

*P*ergi mendaki Gunung Daik,  
Hendak menjerat kancil dan rusa ;  
Bergotong-royong amalan yang baik,  
Elok diamankan setiap masa.



## PANTUN NASIHAT (5)

*D*aun sirih ulam Cik Da,  
Makan sekapur lalu mati;  
Walaupun banyak ilmu di dada,  
Biar merunduk resmi padi.



## PANTUN NASIHAT (6)

*B*uah pelaga makan dikikir,  
Dibawa orang dari hulu;  
Sebarang kerja hendak difikir,  
Supaya jangan mendapat malu.



## PANTUN NASIHAT (7)

*P*adi segemal kepuk di hulu,  
Sirih di hilir merekap junjungan;  
Kepalang duduk menuntut ilmu,  
Pasir sebutir jadikan intan.



## PANTUN NASIHAT (8)

*J*angan pergi mandi di lombong,  
Emak dan kakak sedang mencuci;  
Jangan suka bercakap bohong,  
Semua kawan akan membenci.



## PANTUN NASIHAT (9)

*B*udak-budak berkejar-kejar,  
Rasa gembira bermain di sana;  
Kalau kita rajin belajar,  
Tentu kita akan berjaya.



## PANTUN NASIHAT (10)

*B*uah cempedak bentuknya bujur,  
Sangat disukai oleh semua;  
Jika kita bersikap jujur,  
Hidup kita dipandang mulia.



## PANTUN NASIHAT (11)

*K*ayu bakar dibuat arang,  
Arang dibakar memanaskan diri;  
Jangan mudah menyalahkan orang,  
Cermin muka lihat sendiri .



## PANTUN NASIHAT (12)

*S*elasih tumbuh di tepi telaga,  
Selasih dimakan si anak kuda;  
Kasih ibu membawa ke syurga,  
Kasih saudara masa berada.



PANTUN NASIHAT (13)

*K*apal Anjiman belayar lesu,  
Nampak dari Kuala Aceh;  
Rosak iman kerana nafsu,  
Rosak hati kerana kasih.



## PANTUN NASIHAT (14)

*T*erang bulan di malam sepi,  
Cahaya memancar ke pangkal kelapa;  
Hidup di dunia buatlah bakti,  
Kepada ibu dan juga bapa.



## PANTUN NASIHAT (15)

*B*intang tujuh sinar berseri,  
Bulan purnama datang menerpa;  
Ajaran guru hendak ditaati,  
Mana yang dapat jangan dilupa.

